

周

易

姚


氏

學

周易姚氏學卷第六

旌德姚配中撰

周易上經彖上傳象上傳



離下
乾上

同人于野亨利涉大川利君子貞注鄭康成曰乾爲天
離爲火卦體有巽巽爲風天在上火炎上而從之是
其性同於天也火得風然後炎上益熾是猶人君在
上施政教使天下之人和同而事之故謂之同人風
行无所不遍遍則會通之德大行故曰同人于野亨

案淮南子繆稱云芒芒昧昧與元同氣故至德者言
 同畧事同指上下一心無歧道旁見者過障之於邪
 開道之於善而民向方矣
 易曰同人于野利涉大川 虞翻曰乾為野案二五相
 應陰陽通故亨成既濟坎為大川君子謂五成既濟
 由五得正所謂通天下之志也

彖曰同人柔得位得中而應乎乾曰同人 注虞翻曰二

得中應乾

案服虔左傳注云天在上火炎上同於天
 天不可同故曰同人荀九家云謂乾舍於

離同而為日天日同明以照於下君子則之上下同
 心故曰同人案柔得中應乾是火同於天天與火同
 人是乾舍於離
 同人曰同人于野亨利涉大川乾行
 上下和同也

也 注虞翻曰乾四上失位變而體坎故曰利涉大川

乾行也

案上既釋所以稱同人之義此復言同人之卦所以稱同人于野之義君子之道或出或

處或默或語恐人疑于野以喻外則義不周故特申

之言同人之卦而曰同人于野者乾行故也天行健

无所不周日之麗天无所不照君子終日

文明以健

乾乾自強不息出處語默皆有同人也

中正而應君子正也案離為文明內文明而外健故

文明以健中正謂二五唯君子為能通天下之志注

虞翻曰唯獨也四變成坎坎為通為志案出處語默

各不同志通則不同者同唯君子能耳

諸卦於乾或言剛或言健

唯同人象傳兩言

乾自強之君子也

象曰天與火同人君子以類族辨物注荀爽曰乾舍於

離相與同居故曰同人也

案陽者揚也行而不止與陰麗光乃有定故陽精為

日而離中陰舍於離也天繞地而周亦離象劉傳於

坎曰水曰雲曰雨於離曰明曰火曰電例不言日月

蓋日月終始一經所謂易也无

所不在故不於一卦偏舉之

虞翻曰乾為族

案乾者羣

陽之宗族

親同姓也 辨別也乾陽物坤陰物

案族者聚也聚也卦五陽一陰故類

物 族別

初九同人于門无咎案于門謂化之陰艮為門同人謂

同於四初化失位出門同人失位由已故象曰出門

同人又誰咎也言不能咎人无所歸咎象曰出門同

人又誰咎也案不咎人而還自咎則亦能无咎亦反

身之義也

解自我致戎又誰咎節不節之嗟又誰咎彼皆以无所歸咎當自咎為義故知此亦

然解以小人乘君子之器雖貞不免於吝不節而自咎亦即能節故无咎與此同

六二同人于宗吝(案)初九于門或出者也六二于宗或

處者也二五正應為三四所隔不得動而應五故處

其位而不之應周旋宗黨之象也不得之應故吝

九五

同人先號咷而後笑謂二始不得應五故號咷象曰以中直則二不妄有所同可知故得後笑二人同心其利斷金二始難不得之五而心實同五以三伏戎四乘墉與五為難二為所隔不得應五唯周旋宗黨間耳二陰位故曰宗初化時艮為門二門以內也象曰吝道也當此之時有不得不吝者若求免於吝而急於求應恐見得於三四矣此抱道窮居得主而後事之象也許氏以為同姓相娶鄭則云天子諸侯后

夫人無子不出窺尋其義似以二
為歸宗被出之婦皆所未詳也
象曰同人于宗吝

道也

九三伏戎于莽升其高陵三歲不興注虞翻曰巽為伏

離為戎巽為高爻在三乾為歲興起也動不失位故

三歲不興也

乾陽起於冬至故為歲

李鼎祚曰巽為草木案初

化時艮為山三在山上故升其高陵陵大阜也三動

之爻欲據二而敵五故伏戎升高不化故不興

莊十六年

公羊傳云同盟者何同欲也案三四不言同人者不同五也

象曰伏戎于莽敵剛

也三歲不興安行也案安行謂成既濟乃順五也

九四乘其墉弗克攻吉案初化艮為墉墉城也乘艮故乘其城謂畫動之爻欲攻五而取二也失位故弗克攻之正故吉象曰乘其墉義弗克也其吉則困而反則也案失位故義弗克為五所困反之正故反則

九五同人先號咷而後笑大師克相遇注虞翻曰應在二巽為號咷師震在下故後笑震為後笑也乾為大同人反師故大師二至五體姤遇也故相遇案二隔於三四故先號咷成既濟二得應五故後笑

陸京氏易傳注

云隔於陽位不能決勝故曰先號咷後獲合方喜故曰後笑案獲合方喜亦謂成既濟

大師五

討三四之師也同人通師故成既濟二五相遇故克

遇克能也象曰同人之先以中直也大師相遇言相

克也案二得中正故以中直直其正也二專志應五

不為三四所移故特變正言直中直不移先是以號

咷也言相克者謂二五本欲相遇今皆能也相者合

二五之辭

上九同人于郊无悔注虞翻曰乾為郊失位无應與乾

上九同義當有悔同心之家故无悔案上居五後雖失位不動故于

郊无象曰同人于郊志未得也案未成既濟志故未

得 卦言同人于野亨上同人于郊云志未得者郊外
謂之野同人于野則乾行四上化之正據全卦言
也上同人于郊雖不動无悔而未能得位故志未得
據爻言也六爻之辭有言其變者有言其化者有言
其畫者有兼言之者引伸觸類此吉則彼凶可知所
謂既有典常不可為典要者也黃裳元吉不為吉占
者險故也豈必繫
以非黃裳不吉乎



乾下
離上

大有元亨注鄭康成曰六五體離處乾之上猶大臣有
聖明之德代君為政處其位有其事而理之也元亨
者又能長羣臣以善使嘉會禮通若周公攝政朝諸
侯於明堂是也案元坤元坤元至五養伏陽故元亨

彖曰大有柔得尊位大中而上下應之曰大有(案)此大

臣輔幼主之象亦即體坤元而為君若成王以周召

為臣之象也羣陽而應一陰主雖弱而羣聖輔之天

下亦未有不治者也五本陽位故曰大中

五有伏陽故發志

上下應之羣陽為陰所有故曰大有

大戴記保傳云明堂之位曰篤

仁而好學多聞而道真天子疑則問應而不窮者謂之道道者導天子以道者也常立於前是周公也誠立而敢斷輔善而相義者謂之充充者充天子之志也常立於左是太公也繁廉而切直匡過而諫邪者謂之弼弼者拂天子之過者也常立於右是召公也博聞強記接給而善對者謂之承承者承天子之遺忘者也常立於後是史佚也故成王中立而聽朝則四聖維之是以慮無失計而舉無過事殷周之所以

長久者其輔翼天子有此具也此
即柔得尊位而上下應之之象
其德剛健而文明

應乎天而時行是以元亨注虞翻曰謂五以日應乾

而行於天也時謂四時案六十四卦唯大有大畜言其德乾元亨利貞傳云君子

行此四德者然則大有元亨大畜利貞各得乾之半

以為其德者矣大有五有伏陽全體剛健而坤元居

五成離故剛健而文明六五厥孚交如信以發志謂

五陽孚於伏陽而伏陽發也是則大有之元乃乾坤

相交之元矣同人言應乎乾大有言應乎天天謂五

伏陽發則成乾此乾之舍于離也乾五之聖人得乾

元之氣崛起為君先天者也大有六五則天地

先有是氣而生聖賢之君以應之後天者也

象曰火在天上大有君子以遏惡揚善順天休命注荀

爽曰謂夏正火王在天萬物並生故曰大有也案姚規云

互體有兌兌為澤位在秋乾則施生澤則流潤離則長茂秋則收成大富有也 虞翻曰過絕

揚舉也乾為揚善坤為過惡為順以乾滅坤體夫揚

于王庭故過惡揚善乾為天休二變時巽為命故順

天休命 案五伏陽發故過惡揚善陰順陽而下居二故順天休命休美也

初九无交害匪咎艱則无咎 注虞翻曰害謂四匪非也

艱難 案初四皆陽不相應初化應四則俱失位以偽

感偽而害生故无交害初宜應四不應疑有咎故明

言匪咎成既濟四在坎中初四相應乃无咎故艱則

无咎象曰大有初九无交害也 案明言初九以言得

位不可化而失位以交害故曰无交害也

九二大車以載有攸往无咎注虞翻曰比坤為大車乾

來積上故大車以載二失位變得正應五故有攸往

无咎矣象曰大車以載積中不敗也案敗毀也應在

五兌為毀折二五俱中故積中不敗謂五發成乾也

九三公用亨于天子小人弗克注京房曰亨獻也見釋文

虞翻曰天子謂五案虞注又云二變得位體鼎象是

大亨以養聖賢云三賢人又引左傳天子降心以逆

公為證但以易稱亨之例推之如王用亨于岐山王

用亨于西山不得謂岐山西山亨王則此公用亨于

大有

者為誰虞又云四折鼎足覆公餗公餗者三公之職亦不得謂此即天子所以亨公者鼎象云聖人亨以享上帝則鼎亦有下亨上之義左傳卜偃云戰克而王饗吉孰大焉王饗謂王來受晉侯之饗故即云且是卦也天為澤以當日天子降心以逆公不亦可乎時晉侯欲勤王卜偃云云則言王必來受晉侯之饗此天王狩于河陽之所由書也亦非謂天王來饗晉侯杜云為王所宴饗非是大行人職諸侯朝天子廟中將幣覲禮三亨皆束帛加璧庭實唯國所有此所謂亨也朝覲之禮禮之大者小人不能行故弗克象曰小人害也害禮也九三乾惕之爻著諸侯朝王之義敬之至也故曰公用禮也四之正三互震為諸侯故曰公

象曰公用亨于天子小人害也案害禮

孔子曰不能詩於禮繆不能樂於禮素薄於德於禮

虛小人焉有不害禮者

九四匪其彭无咎注虞翻曰匪非也變而得正故无咎

干寶曰彭亨驕盛貌案彭亨訓彭為彭亨非訓彭為亨劉氏文淇云據鄭義謂此卦

周公攝政朝諸侯四著戒慎之辭恐離偏上之悔也故匪其彭言不敢驕案乾為盈四化

成兌澤虛以受人故匪其彭象曰匪其彭无咎明辯

哲也案哲明也辯別也離明兌口四失正體乾盈自

知其非化之正故明辯哲也

六五厥孚交如威如吉注虞翻曰孚信也發而孚二故

交如乾稱威發得位故威如吉象曰厥孚交如信以

發志也威如之吉易而无備也案上下交孚故信以

大有

周易乾天學宗卷下

八

五

發志成既濟相應也體元故易相應故无備君子不
動而敬不言而信詩曰奏格無言時靡有爭

上九自天祐之吉无不利注虞翻曰祐助也乾爲天案
五陽本伏發而成乾上化順之爲五所祐故吉无不
象利曰大有上吉自天祐也案言上不言九明其化
也



艮下
坤上

謙亨君子有終注鄭康成曰艮爲山坤爲地山體高今
在地下其於人道高能下下謙之象亨者嘉會之禮

以謙為主謙者自貶損以下人唯艮之堅固坤之厚順乃能終之故君子之人有終也虞翻曰天道下濟

故亨君子謂三

案三得位不化故君子有終鄭據一卦虞言一爻義互備

彖曰謙亨天道下濟而光明地道卑而上行注虞翻曰

乾上九來之坤彭城蔡景君說剝上來之三

案剝上即乾上

乾上之氣極於剝極乃反

荀爽曰乾來之坤故下濟陰去為離陽

來成坎日月之道故光明也

案履互離謙互坎

案坎水故濟

地氣之升遇陽恆退山澤通氣出入所由故卑而上行謂由三升上也天道虧盈而益謙地道變盈而流

謙鬼神害盈而福謙人道惡盈而好謙案分陰分陽
迭用柔剛一爻兼有天地人之道以陰陽言天道也
陰極則陽生以剛柔言地道也柔極而剛長以仁義
言人道也仁人而義我鬼神則又據數之老少言之
坤三本有伏陽陰極則陽自發伏於坤三者卽極於
乾上者也天地鬼神之道非人不顯而其義一也謙
尊而光卑而不可踰君子之終也注虞翻曰天道遠
故尊光三位賤故卑坎水就下險弱難勝故不可踰
案踰越也勞謙君子萬民服表記曰先王謚以尊名

節以壹惠恥名之浮於行也是故君子不自大其事不自尙其功以求處情過行弗率以求處厚彰人之善而美人之功以求下賢是故君子雖自卑而民敬尊之

象曰地中有山謙君子以裒多益寡稱物平施注劉表

曰地中有山以高下下故曰謙謙之爲道降已升人山本地上今居地中亦降體之義故爲謙象也虞翻

曰掇取也

案釋文云鄭荀董蜀才作掇案哀假借字

艮爲多坤爲寡乾爲

物爲施坎爲平謙盈乾益謙故以掇多益寡稱物平

施案虧盈變盈害盈惡盈故杼多益謙流謙福謙好謙故益寡一杼一益而物平矣盈者以損之者益之謙者以益之者益之故稱物平施所謂謙以制禮也

初六謙謙君子用涉大川吉案上謙謂三下謙謂初陽

來之三由三反初故謙謙君子涉坎下之初得位故

吉謂成復也虞復彖傳注云剛從艮入坤從反震陽不從上來反初案從艮入坤從謙艮也

陽由上反三由三反初象曰謙謙君子卑以自牧也注鄭康成

曰牧養也案陽來伏初故卑以自養荀子禮論云孰知夫恭敬辭讓之所以養安也孰知夫禮

義文理之所
以養情也

六二鳴謙貞吉注姚信曰三體震為善鳴二親承之故

曰鳴謙得正處中故貞吉象曰鳴謙貞吉中心得也

案中心謂畫爻正由畫所謂隆禮由禮也

九三勞謙君子有終吉**注**荀爽曰體坎為勞**案**得位不

化故有終吉

三本得位故特云有終吉本得位則初吉可知若化而失位則終不吉故特云

有終吉終於九不化之陰乾三所謂知終終之也畫者爻之初爻者畫之終故有无初有終者有終无功者有終无尤者終皆謂爻也象曰勞謙君子萬民服也**注**荀爽曰

陽當居五自卑下眾降居下體君有下國之意也眾

陰皆欲搗陽上居五位羣陰順陽故萬民服也**案**勞

功勞勞而不伐有功而不德故勞謙韓詩外傳曰君

子有主善之心而無勝人之色德足以君天下而無
 驕肆之容行足以及後世而不以一言非人之不善
 故曰君子盛德而卑虛已以受人旁行不流應物而
 不窮雖在下位民願戴之雖欲無尊得乎哉

六四无不利撝謙注荀爽曰四得位處正家性為謙故

无不利陰欲撝三使上居五故曰撝謙撝猶舉也案

氏棟云太玄八十一家各有剛柔之性故稱家性易六十四卦亦然象曰无不利撝謙

不違則也注荀九家曰陰撝上陽不違法則案三之正亦得

正長

為手

六五不富以其鄰利用侵伐无不利注荀爽曰鄰謂四與上也自四以上乘陽乘陽失實故皆不當五居中

有體故總言之陽利侵伐來上无敢不利之者案成既濟

則富以其鄰此以其未化言也三體師長子故利用

侵伐有鐘鼓曰伐無曰侵三之五震象不見水行潛

伏故

日侵象曰利用侵伐征不服也注荀爽曰不服謂五

也案五失位

上六鳴謙利用行師征邑國注虞翻曰應在震為鳴謙

體師象震為行坤為邑國五之正案三已得從征故

利用行師征邑國象曰鳴謙志未得也可用行師征

邑國也注荀九家曰陰陽相應雖應不承故志未得

案三未之五謂下九三可行師來上坤為邑國也三應上

上呼三征來居五位故曰利用行師征邑國也案變

利言可者三以下伐上疑不可坤虛无君故可用行師謂所以可用行師者邑國而已此亦虛邑无疑之義



豫利建侯行師注鄭康成曰坤順也震動也順其性而

動者莫不得其所故謂之豫也豫喜豫說樂之貌也

震又為雷諸侯之象坤又為眾師役之象故利建侯

行師矣案荀九家云震為建侯坤為行師建侯所以與利行師所以除害與利除害民所豫樂也

彖曰豫剛應而志行順以動豫豫順以動案剛謂四羣

陰應之四升居五故志行順以動豫言所以豫豫順

以動既豫猶然也故天地如之而況建侯行師乎注

虞翻曰如之者謂天地亦動以成四時而況建侯行

師言其皆應而豫也案震雷出地陰陽氣交天地以

順動故日月不過而四時不忒注鄭康成曰忒差也

見釋支案雷出地奮天地而交成既濟離日坎月往來

成歲一陰一陽各得其位故不過忒也聖人以順動

則刑罰清而民服案緇衣曰為上易事也為下易知

也則刑不煩矣坎爲法律爲水故刑罰清陰順陽故民服豫之時義大矣哉注虞翻曰順動天地使日月四時皆不過差刑罰清而民服故義大也

象曰雷出地奮豫先王以作樂崇德殷薦之上帝以配祖考注鄭康成曰奮動也雷動於地上萬物乃豫也以者取其喜佚動搖猶人至樂則手欲鼓之足欲舞之也崇充也殷盛也薦進也上帝天帝也王者功成作樂以文得之者作籥舞以武得之者作萬舞各充其德而爲制祀天帝以配祖考者使與天同饗其功

也故孝經云郊祀后稷以配天宗祀文王於明堂以

配上帝是也

案雷震出地故奮充德充其德之量也董子楚莊王篇云王者不虛作樂樂者

盈於內而動發於外者也是故作樂者必反天下之所始樂於已以爲本舜之時民樂其昭堯之業也故

韶韶者昭也禹之時民樂其三聖相繼故夏夏者大也湯之時民樂其救之於患害也故護護者救也文

王之時民樂其興師征伐也故武武者伐也四者天下同樂之一也其所同樂之端不可一也作樂之法

必反本之所樂所樂不同事樂安得不世異是以舜禹湯文四樂殊名則各順其民始樂於已也董子之

義本此作樂反本之所樂故法豫以樂充德元命苞所說與董子同配漢書藝文志引作享以配祖考者

言以配上帝者祖考也猶儀禮以某妃配某氏先言以某妃配而後言某氏耳又案大司樂掌六代之樂

祀天神舞雲門祀先祖乃舞大武大武周充德之樂雲門先代之樂也以此推之則充德之樂實爲享祖

考之樂或當從藝文志作享則薦上帝享祖考乃對
言之也郊特牲云萬物本乎天人本乎祖此所以配
上帝也宣二年公羊傳云自內出者無匹不行自外
至者無主不至大傳云王者禘其祖之所自出以其
祖配之原制禘之始因祖考推及祖之所自出內
出者無匹不行則祖考爲祭之主以配祖考言其質
也禮制既定別其尊卑以配上帝言其文也震爲帝
在上故曰上帝小畜乾爲祖考二卦通故配鄭大傳
注云王者之先祖皆感太微五帝之精以生蒼則靈
威仰赤則赤熛怒黃則含樞紐白則白招拒黑則汁
光紀率五帝之稱見春秋緯其稱名亦皆依易爲之
帝出乎震帝者乾元也震爲反生爲雷故曰靈威仰
相見乎離故曰赤熛怒象盛陽之氣也土位中央坤
元藏乾元故曰含樞紐西方陽退而陰盛故曰白招
拒北方坎位乾元伏於下爲陰所凝所謂陰凝於陽
坎爲血卦者也故曰汁光紀鄭駁異義云五精之神
實在太微於辰爲巳乾消息在巳則五精之神皆元
可知因時易名遂別爲稱號耳王肅之徒未之詳審

宜其不
達也

初六鳴豫凶注虞翻曰應震善鳴失位故豫鳴凶也象

曰初六鳴豫志窮凶也案明言初六言失位故志窮

六二介于石不終日貞吉注虞翻曰與四為艮艮為石

離為日案介操也孟子曰不以三公易其介介如石

焉寧用終日石堅以喻君子于微彰剛柔知之明斷

之決也荀子曰善在身介然必以自好也脩身呂覽

曰石可破也而不可奪堅丹可磨也而不可奪赤誠

文二得正不化故不終日貞吉剛柔者晝夜之象二

不化之陽故不終日

二若化之陽陽復動之九則為終日化之陽之九而始知則用終日二知幾不但不之九並亦不化故寧用終日所謂知微知彰如柔知剛者知其不可化不待化而始知也虞云離為日亦以二不化言義同但不以剛爻為終日耳象曰不終日貞吉以中正也案二得中正故不化

六三盱豫悔遲有悔注鄭康成曰盱諺也

見釋文案說文云盱張目也

也案小畜離為目化成豫故盱豫悔言化而失位也

孟子曰今國家閒暇及是時般樂怠敖是自求禍也失位宜急之正不化則悔即至故遲有悔如知其非

義斯速已矣

盱豫悔謂成豫畫也遲有悔謂爻不化

象曰盱豫有悔位

不當也案失位故有悔

九四由豫大有得勿疑朋盍簪案四以一陽為卦主故

由豫羣陰順從故大有得簪當作宗宗尊也

釋文云簪荀作

宗侯果云為豫之主衆陰所宗莫不由之以得其豫

羣陰皆欲尊四居五故勿

疑朋盍宗孟子曰得天下有道得其民斯得天下矣

民之歸仁也猶水之就下獸之走壙也

虞云由自從也據有五陰

坤以衆順故大有得得羣陰也盍合也

象曰由豫大有得志大行也案


升五故志大行

六五貞疾恆不死注虞翻曰恆常也坎為疾案五乘四

四欲之五爲五之疾五不自正則四來之五五之正則疾不能害謂陽由內發不見息滅也疾尙可藥貞則不死若凶害已及而始正則所謂正乎凶者莫如之何矣象曰六五貞疾乘剛也恆不死中未亡也案明言六五言其失位乘剛坎爲之疾正則无坎斯无疾矣中未亡謂五伏陽伏陽發則疾瘳

上六冥豫成有渝注无咎注馬融曰冥昧耽於樂也虞翻曰渝變也案陰在上故冥樂極則反故成有渝不化則无咎象曰冥豫在上何可長也注荀爽曰陰性冥

昧居尊在上而猶豫說故不可長


震下兌上

隨元亨利貞无咎注鄭康成曰震動也兌說也內動之
以德外說之以言則天下之民咸慕其行而隨從之
故謂之隨也既見隨從能長之以善通其嘉禮和之
以義幹之以正則功成而有福若无此四德則有凶
咎焉焦贛曰漢高帝與項籍其明徵也案元乾元謂
初初從否上來乾元之反自隨始乾元反而交初故
元亨三四之正成既濟則乾陽復息故利貞无咎

傳云

大亨貞則元為乾元又云剛來而下柔虞云否上之初柔否閉不通陰消陽陽反於初否得通故元亨屯剛柔始交亦謂初為元也但屯初始交之元隨初始反之元澤中有雷不必即在地之正中耳是知歸妹元吉坤元自泰五而還隨自否來乾元由否上而復天地以一體相交唯泰陽氣充滿地中時也震雷出地則地中即有伏陰天地不交唯否陰氣充滿地中時也風行地上則地中即有伏陽但不必在地之極中耳陰消內斂故歸妹即於泰見之陽消上升故元之復不見於否陰散則无所繫故夫上決而揚陽雖散而仍專故剝上存碩果陽可剝而不可決也

彖曰隨剛來而下柔動而說隨大亨貞无咎而天下隨

時隨時之義大矣哉注虞翻曰否乾上來之坤初故

剛來而下柔動震說兌也

案來謂息消上息下也

案萬物隨陽

以出隨陽以入陽出爲春夏入爲秋冬萬物隨之消
長故大亨貞无咎而天下隨時堯舜帥天下以仁而
民從之桀紂率天下以暴而民從之君之所爲百姓
之所從也故隨時之義大矣哉

君子以嚮晦入宴息
是隨時王肅本作隨

之非
是

象曰澤中有雷隨君子以嚮晦入宴息注荀九家曰兌
澤震雷八月之時雷藏於澤則天下隨時之義也鄭
康成曰晦冥也猶人君既夕之後入於宴寢而止息

見孔疏案侯果云坤爲昧乾之上九來入坤初嚮晦
者也惠氏棟云巽爲入艮爲止案上反入初陽息於

陰也互艮
為宮室

初九官有渝貞吉出門交有功注荀九家曰渝變也案

官有渝謂四化應初故貞吉象曰從正吉也太宰之

職以八法治官府四曰官常官有渝則非常也國有

大事一官不能獨任故四化應初初亦出門交四而

有功此周禮官聯之所由立也艮為官謂官府之事

也虞百官以治注云艮為官案艮為門闕官府之象

百官所居以治理政事者也荀九家云震為子得

土之位故曰官惠氏棟伸之云官官鬼也震初庚子

水得否坤乙未土之位水以土為官案易以爻象為

主不當雜以艮為門初應四故出門交謂在官在府

官鬼之說

也初得正四從之亦正故交有功

同人出門同人又
謂咎言當自咎同

人初化乃有門象同人者舍已從人動失位故自咎
隨四本互艮初出交四四從初之正四化初不化故
出門交有功同人出門自化
而往隨初出門以已正人也 象曰官有渝從正吉也

出門交有功不失也案初得正四化從初故從正吉

初得正交四故不失謂不化也

六二係小子失丈夫注虞翻曰應在巽巽為繩故稱係

案二應五五為丈夫四互艮為小子二欲之五為四

所係不得之五故係小子失丈夫象曰係小子弗兼

與也案二已係於四則不得兼與五故失丈夫孔子

曰無欲速無見小利欲速則不達見小利則大事不

成

呂覽勸勳云利不可兩忠不可兼不去小利則大

利不得不去小忠則大忠不至故小利大利之殘
之小忠大
忠之賊也

六三係丈夫失小子隨有求得利居貞案三之四係五

故係丈夫三之四則艮象不見故失小子三四易位

成既濟故隨有求得居謂居三居三失正故利居貞

三不之四則當化象曰係丈夫志舍下也案舍捨也

下謂三三志在升四係五丈夫故志舍下

九四隨有獲貞凶案獲二二之五爲四所獲非所宜得

故曰獲不順五而獲五之應自正其位故貞凶薛氏傳均

云初貞吉傳云從正吉此貞

凶亦得是違正凶謂違五也有孚在道以明何咎注

虞翻曰孚謂五三已之正四變應初得位在離案在

察也孚五察應而後之正成離明故有孚在道以明

所謂從正吉也自正則凶孚五從初而後之正故何

咎象曰隨有獲其義凶也有孚在道明功也案當隨

人而反獲其不當獲故其義凶四之正順五應初故

明功謂成既濟也

九五孚于嘉吉案嘉會足以合禮二五正中故孚于嘉

吉象曰孚于嘉吉位正中也

上六拘係之乃從維之王用亨于西山注虞翻曰應在

艮艮手為拘巽為繩兩係稱維否乾為王謂五也有

觀象故亨兌為西艮為山案此謂否上也无位无民

眾陰不順故拘維之否互艮巽九兩繫民繫之有道拘而

係之乃從而維之非所以係之正以迫之使去耳故

王者得用之以亨于西山言人歸則神享也此言否

上窮而反下成隨天下歸興王之象也否上窮民不

係故拘而係之否上反下成兌艮故亨于西山乾鑿度以為譬猶

文王拘民以禮係民以義仁恩所加靡不隨從亦通

蓋據本卦言也 象曰拘係之上窮也案上否上



蠱元亨利涉大川案蠱惑也惑乃有事元謂二五也二

五易位蠱乃治象曰蠱元亨而天下治也體仁合禮

蠱所由治

隨象傳云大亨貞无咎而天下隨時故知彼謂元來成隨此象傳云蠱元亨而天下

治也是元亨在蠱之後二五通蠱乃治故知元謂二五 二升五降成坎先甲三

日後甲三日注鄭康成曰甲者造作新令之日甲前

三日取改過自新故用辛也甲後三日取丁寧之義

故用丁也

見孔疏案禮記郊之用辛書丁巳用牲于郊漢郊用丁辛放古為之白虎通云祭日

用丁與辛者何先甲三日辛也後甲三日丁也皆可
以接事昊天之日案日用丁辛取先甲後甲之義易
之本旨不必
謂祭祀也

初成蠱初既上升則二三亦以次升成否三爻故三
日後甲三日謂否上之初初之上成隨上降則五四
亦以次降成泰終則又始天行也

彖曰蠱剛上而柔下巽而止蠱注虞翻曰泰初之上故

剛上坤上之初故柔下上艮下巽故巽而止蠱也案

巽爲風風爲山止氣鬱不行故蠱呂覽曰病之留惡
之生也精氣鬱也故水鬱則爲汚樹鬱則爲蠹草鬱

則為黃國亦有鬱主德不通民欲不達此國之鬱也
國鬱處久則百惡並起而萬災叢至矣

達鬱文

春秋傳

曰淫則生內熱惑蠱之疾內熱惑蠱鬱使之也蠱元
亨而天下治也利涉大川往有事也案風為山止氣
鬱不行二五易位鬱氣乃通故元亨而天下治二五
易位初上化成既濟往謂二動之爻而升居五蠱則
不知所事二升居五居上治下蠱使之通故往有事
先甲三日後甲三日終則有始天行也案有又也天
行不息故終則又始謂乾陽升降不已也

先三後三皆謂乾故

日天行三爻故三日與七日來復同卦
主六日七分舉成數言一爻主一日

象曰山下有風蠱君子以振民育德注虞翻曰坤為民

初上撫坤故振民案振奮也止故振之育養也鬱故

養之撓萬物者莫疾乎風也放勲曰勞之來之匡之

直之輔之翼之又從而振德之

巽而止所以成蠱山下有風所以振蠱巽

而止者風在山中不得行也山下有風則風行還至

山上矣象言其所以蠱象言蠱之所以亨艮為手雷

出地奮故振山中生木

亦積小高大者也故育

初六幹父之蠱有子考无咎厲終吉注虞翻曰幹正蠱

事也泰乾為父坤為事故幹父之蠱父死大過稱考

故有子考變而得正故无咎厲終吉也案有子謂初

伏陽

經云有子則不與其子其妻同例與諸稱有者同例矣蓋與隨通震爲長子長子繼世凡旁通

卦互相伏合之則一乾一坤易位又各成既濟注家或言伏或言旁通言伏者據位位本有伏陰伏陽也言旁通者據卦六爻通也卦象已明者不取旁通據已發者言也卦象隱者多及旁通據未發者言也卦成既濟禮之一定事之終也爻不必盡以既濟言或言其事之端或言其事之中不必盡言其終其有明言終者得位則成既濟之爻失位則窮而成未濟之爻也得位者不必盡吉失位者不必盡凶以一卦之大義爲吉凶之主焉泰乾初之上陰來之初失正初伏陽仍發

而成乾故有子考无咎象曰意承考也以子繼父亦

以乾承乾之象也故厲終發得正故終吉

張氏惠言云復成乾

象曰榦父之蠱意承考也案泰乾初本得位今初發仍成乾故意承考承泰初也伏故曰意

九二榦母之蠱不可貞注虞翻曰應在五泰坤為母故

榦母之蠱案五失位二以陽正之故不可貞言不可

自化之正二不化則升五而五降二所謂利涉大川

者也

張氏惠言云謂當與五易位不可自正

象曰榦母之蠱得中道也

案以陽正陰二升五降皆得中正得中道

九三榦父之蠱小有悔无大咎案陽在上失位三榦之

震起艮止不能即正故小有悔震无咎者存乎悔故

无大咎上終化應三也

小謂畫大謂爻

象曰幹父之蠱終无

咎也案上終化應三故終无咎

无大咎謂為終无咎則小有悔謂始矣始

故小畫者

爻之始也

六四裕父之蠱往見吝注虞翻曰裕不能爭也孔子曰

父有爭子則身不於陷不義四陰體大過本末弱故

裕父之蠱變而失正

變謂之初

故往見吝案往謂動而正

初動則失見故見吝謂初失位四不能正也

二陽失位幹母

之蠱云不可貞謂不可化之正當以陽正陰二五易

位也若四化為陽則亦能正初與初易位若二五之

比矣今四以陰裕陰故往未得未得正初也二能正

五故得中道易之通例畫動之爻乃相應或易位故

繫辭傳云因而重之爻在其中三畫之卦无應故不
動重而為六則上下相應動則成爻故爻在中也

象曰裕父之往蠱未得也注虞翻曰往失位故未得

六五榦父之蠱用譽注虞翻曰譽謂二也二五失位變

而正得案謂二五易位故用譽象曰榦父用譽承以德也案

二五相通所謂元亨而天下治者也二升五降以坤

元承乾元故承以德虞例以乾為道德或以震為道

但一陰一陽之謂道坤地道厚
德載物亦有道德之稱和順於道德謂一
陰一陽也此易之通例也故不盡用虞說

上九不事王侯注荀爽曰年老事終不當其位體艮為

止故不事王侯虞翻曰泰乾為王應在三震為侯案

止不動
不應三
高尙其事注虞翻曰謂五已變巽高爲艮陽

升在坤上故高尙其事也案五已正位上以陽居上

五高尙之也堯稱則天不屈潁陽之高武盡美矣終

全孤竹之絜

鄭表記注云言臣致仕而去不復事君也君猶高尙其所爲之事言尊大其功

也案尊致仕之臣與尊隱逸之臣其義一也象曰不事王侯志可則也案

志謂上伏陰未發故志可則王者尊賢不屈其身亦

所以振民育德也

周易姚氏學卷第六終

周易姚氏學卷第七

旌德姚配中撰

周易上經象上傳象上傳



兌下
坤上

臨元亨利貞至于八月有凶注虞翻曰剛浸而長乾來

交坤動則成乾故元亨利貞

案元乾元以陽通陰故元亨息至三成泰二五

易位六爻正故利貞鄭康成曰臨大也陽氣自此浸而長而有

四德齊功於乾盛之極也人之情盛則奢淫奢淫將

亡故戒以凶也臨卦斗建丑而用事殷之正月也當

文王之時紂為无道故於是卦為殷家著興衰之戒

以見周改殷正之數云臨自周二月用事訖其七月

至八月而遯卦受之此終而復始王命然矣案荀爽以兌為

八月蓋八月消卦受觀臨反觀八月卦兌位又以文

王之時殷命未改不當言周月也但正朔三而改自

伏羲以來已然周易首乾故依天統以遯為八月文

王未嘗以為周家之月也注家推言周耳且兌為八

月亦夏正非殷正孔子周人得云行夏之時則文王

殷人亦得言天統之八月也象曰消不久則為臨消

成遯明矣且此八月猶十年三歲七日之類常謂相

去八月不必定指秋八月自臨至遯七月至八月而

成否所謂有凶消不久者謂成否也

象曰臨剛浸而長說而順剛中而應大亨以正天之道

也至于八月有凶消不久也注虞翻曰剛謂二也自

下浸上故浸而長也說兌也順坤剛中謂二也四陰

皆應之故曰而應大亨以正謂三動成乾天得正為

泰天地交通故亨以正天之道也案乾道變化各正

消對長言八月臨消成遯遯消成否長則成泰消則成否其幾甚速故不久也

象曰澤上有地臨君子以教思无窮容保民无疆注荀

爽曰澤卑地高高下相臨之象也案澤上有地地畜

澤澤不妄行生而不已故教思无窮坤含宏光大德

合无疆澤虛以受故容保民无疆

初九咸臨貞吉注虞翻曰咸感也得正應四故貞吉也
象曰咸臨貞吉志行正也案志在應四動不失正故
志行正屯初同義臨者大也陽息故感

九二咸臨吉无不利注虞翻曰得中多譽兼有四陰體
復初元吉故无不利案陽息之卦二雖失位息而未
已終升至五故吉无不利象曰咸臨吉无不利未順
命也注荀爽曰陽當居五陰當順從今尙在二故曰

未順命也

案陰陽各
得謂之命

六三甘臨无攸利既憂之无咎注虞翻曰兌爲口坤爲

土土爰稼稽作甘兌口銜坤故曰甘臨失位乘陽故
无攸利言三失位无應故憂之案臨大也失位而以
爲甘故无所利憂之則不甘化之正矣故无咎管仲

曰夫厚於味者薄於德沈於樂者反於憂壯而怠則

失時老而解則無名呂覽達象曰甘臨位不當也既

憂之咎不長也注虞翻曰動而成泰故咎不長也案

云无咎傳云咎不長則是始有咎矣始失位甘之之
咎也憂而之正故咎不長宣十五年冬蠶生公羊傳

云蠶生不書此何以書幸之也幸之者何猶曰受之
云爾受之云爾者何上變古易常應是而有天災則

宜於此焉變矣注云言宣公於此天災饑饉後能受通
變審明年復古行中冬大有年其功美過於無災故

君子深為喜而僥倖之此既憂之咎不長之謂也小畜初九復自道何其咎吉則所謂功美過於無災矣

六四至臨无咎案陽息之卦陽息則陰上升下退而上

故至臨至四也陰至四雖非下中亦得位故无咎象

曰至臨无咎位當也

六五知臨大君之宜吉注荀爽曰五者帝位大君謂二

也宜升上五位吉故大君之宜吉

案宜者宜升而未升也乾豐度云陽

氣在內中和之盛應於盛位浸大之行化於萬民故言宜處王位施大化為大君矣臣民欲被化之辭也

鄭彼注云臨之九二有中和美異之行應於五位故百姓欲其與上為大君也義與荀同又案乾鑿度云

初為元士二為大夫三為三公四為諸侯五為天子上為宗廟凡此六者陰陽所以進退君臣所以升降

虞升降之例多出於此今依用之 象曰大君之宜行中之謂也注荀

爽曰二者處中行升居五五亦處中故曰行中之謂

案實未升五故曰宜日之謂三息則二升五

上六敦臨吉无咎注荀爽曰上應於三欲因三升二過

應於陽敦厚之意案志在升二本得位故吉无咎坤

厚載物故敦象曰敦臨之吉志在內也注荀九家曰

志在升二也陰以陽為主故志在內也



觀盥而不薦有孚顒若注虞翻曰觀反臨也以五陽觀

示坤民故稱觀盥沃盥薦羞牲也孚信謂五順順君

德有威儀貌

案宗廟之祭初獻灌二獻殺牲薦脯醢薦醒三獻薦朝事之豆籩四獻薦熟五

獻薦饋食之豆籩七

獻薦加事之豆籩

案天地之道貞觀者也陽在五

利見大人坤為牛互艮為手成既濟體坎水離目坤

象不見故觀盥而不薦陰陽應故有孚禮有五經莫

重於祭祭莫重於灌故特言之

將灌先盥

禮運曰人藏其

心不可測度也美惡皆在其中不見其色也欲一以

窮之舍禮何以哉是故治人者舍禮無以為人法觀

人者舍禮無以知人故禮器曰觀其禮樂而治亂可

知君子欲觀仁義之道禮其本也

鄭云坤為地為眾
巽為木為風九五

天子之爻互體有艮艮為鬼門又為宮闕地上有木而為鬼門宮闕者天子宮廟之象鄭蓋推明卦所以有盟薦之義非指說宗廟為觀鄭又云諸侯貢士於天子鄉大夫貢士於其君必以禮賓之唯主人盥而獻賓賓盥而酢主人設薦俎則弟子也此又因祭事之盥推及反禮皆以盥為重因爻有用賓于王故以貢士說也馬融云盥進爵灌地以降神也謂盥而後灌非訓盥為

彖曰大觀在上順而巽中正以觀天下注虞翻曰順五

也中正謂五案五在上君德足以為民觀故大觀在

上觀盥而不薦有孚顒若下觀而化也注虞翻曰巽

為進退容止可觀進退可度則下觀其德而順其化

觀天之神道而四時不忒聖人以神道設教而天下服矣注虞翻曰忒差也聖人謂乾退藏於密而齊於

巽以神明其德教坤民順從而天下服矣

案後漢書方望說隗

書曰宜急立高廟稱臣奉祠所謂神道設教求助人神者也彼以神道設教謂祭祀義亦通疑亦西漢經師之說惠氏棟云祭義曰合鬼於神教之至也明命鬼神以爲黔首則百衆以畏萬民以服

案陰

陽消息天之神道也一消一息而四時行故四時不忒通其變使民不倦神而化之使民宜之窮變通久亦一消一息聖人之神道也

象曰風行地上觀先王以省方觀民設教注鄭衆曰從

俗所爲順民之教故君子治人不求變俗

見史徵
口訣義

案

風行地上无所不周聖人之教无所不被省視也設
施陳也方方俗民民風脩其教不易其俗齊其政不
易其宜此巡狩之禮所由取法也

初六童觀小人无咎君子吝**案**鄭康成曰童稚也

見釋
文

虞翻曰艮爲童陰小人陽君子陽伏陰下故君子吝
矣案陰消之卦初不及五上來之三下體成艮初止
不動故无咎時當陰長伏陽不能卽發故吝象曰初
六童觀小人道也**案**明言初六言其失位得无咎者

消卦也陰消陽初不及五

六二闕觀利女貞注虞翻曰竊觀稱闕艮爲宮室坤爲

闕戶小人而應五故利女貞利不淫視也案二在坤

中初三未正離象伏故闕利初三之正成離中女故

利女貞

知謂初三之正不謂二得正爲利女貞者以易之通例言利貞者皆謂不正者化之正爻

亦然如明夷六五利貞艮初六利永貞鼎六五損九二利貞是也升上六利于不息之貞則謂利五之正不息之上上六本得正也故知此利女貞亦非謂木爻合一卦而言初三之正離女正位乎內則不闕觀所謂家人利女貞者也家人離女在內

三爻已正而復云利貞女者重戒之

象曰闕觀女

貞亦可醜也案二爲五應不能大有所爲故亦可醜

孟子曰以順爲正者妾婦之道也

不云利者在君子則无所利也始而

闕觀卽正亦如女是以可醜侯果云得位居中上應於五闕視朝美不能大觀處大觀之時而爲闕觀女正則利君子則醜也

六三觀我生進退(案)我我三也生伏陽也陽伏於三動

而欲出故觀我生時陰消未極伏陽不能發動而還

止故進退象曰觀我生進退未失道也(案)三有伏陽

故未失道

六四觀國之光利用賓于王(注)虞翻曰坤爲國王謂五

陽(案)初三之正離爲光國之光謂賢也詩曰彼其之

子邦家之光四為諸侯得正應初乘三故觀之使伏

陽發而成既濟以奉五故利用賓于王此諸侯貢士

於天子之象也

儀禮鄉飲酒禮疏引鄭易注云諸侯貢士於天子鄉大夫貢士於其君云

云貢士於天子即謂此漢書五行志引京房易傳云經稱觀其生言大臣之義當觀賢人知其性行推而

貢之京於觀其生云然義實才此又易傳云諸侯臨世反應元士而奉九五京謂四以初奉五也天子

之鄉大夫貢士于王則鄉大夫職所云三年大比是也諸侯之鄉大夫貢士于其君鄭於鄉飲酒禮注引

鄉大夫職以例則與天子之鄉大夫同鄉飲酒禮其可考者也諸侯貢士於天子亦三歲射義云古者天

子之制諸侯貢士於天子天子試之於射宮注云三歲而貢士舊說云大國三人次國二人小國一人尙

書大傳云古者諸侯之於天子也三年一貢士大國舉三人次國舉二人小國舉一人是諸侯貢士亦三

歲諸侯貢士其賓賢之禮雖不可考以鄉飲酒禮推常畧如燕享臣之禮亦試之以射象曰觀

國之光尙賓也注崔憬曰得位比尊承於王者職在

搜揚國俊賓薦王庭故以進賢為尙賓也案尙上也謂賓于五

九五觀我生君子无咎案我我五也生謂陰已消至四

氣伏五下其幾將萌五能正其位不使陰長故君子

无咎謂既自正其位使三初亦發之正任四所貢賢

能也象曰觀我生觀民也注虞翻曰坤為民案民為邦本觀

我生所以觀民也古之欲明明德

於天下者先正其心先誠其意

上九觀其生君子无咎案其三謂三伏陽上本欲之三

三伏陽自發之正上不得之三故觀之三發則上亦

自化之正故君子无咎象曰觀其生志未平也注虞

翻曰坎為志

案未成既濟故志未平



震下離上

噬嗑亨利用獄注虞翻曰坎為獄艮為手離為明四以

不正而係於獄上當之三蔽四成豐折獄致刑故利

用獄案亨謂三上易位彖曰噬嗑而亨亨則成豐故

利用獄象曰雷電噬嗑謂成豐也

彖曰頤中有物曰噬嗑噬嗑而亨剛柔分注虞翻曰物

謂四頤中无物則口不噬故先舉頤中有物曰噬嗑也案上三易位故噬嗑而亨三升上降故剛柔分噬

嗑合禮迭用柔剛知剛柔而曲直可得矣動而明雷

電合而章案震動離明動而明則雷電交震上離下

成豐故雷電合而章章明也說文云雷陰陽薄動也電陰陽激耀也淮南子

墜形云陰陽相薄為雷激揚為電案陰陽必動而激揚相薄乃成電雷故動而明電雷並起故合明无不

照聲有遠近故先電而後雷其實並起者也柔得中而上行雖不當位利

用獄也案柔謂二上三易位下卦一體俱升噬嗑成豐唯三

上兩爻不同故成豐但據三上二上行至五失位故

言其實雷電之合一體升降也

雖不當位利用獄柔中勝剛愎也

象曰雷電噬嗑先王以明罰敕法注宋衷曰雷動而威

電動而明二者合而其道章也用刑之道威明相兼

若威而不明恐致淫濫明而无威不能伏物故須雷

電合而噬嗑備鄭康成曰敕猶理也

見釋文案雷動而上電明而下

故曰雷電互其為罰為法

初九履校滅趾无咎注虞翻曰履貫趾足也震為足坎

為校初位得正故无咎案初應在四化而應四則失

位震象不見故履校滅趾履校者已蹈之愆震應坎

也滅趾者未至之災初未化也懲於法則不化故无

咎知滅趾非已屨之刑者初本得位化則滅趾此法也誠於法而不化則不滅趾繫辭傳所謂小懲大

誠小懲謂屨校震遇坎也大誠謂滅趾初遇險而止

不化以滅趾為誠故得无咎屨校非滅趾之刑何校

非滅耳之罪皆所謂小也可說之桎梏也刑乃滅趾

刑乃滅耳皆所謂大一虧而不復全者也一誠一不

誠故有凶无

咎之殊耳 象曰屨校滅趾不行也案震起艮止故

不行謂不化故咎无也

六二噬膚滅鼻无咎注馬融曰柔脆肥美曰膚

見釋文案五陰

為虞翻曰噬食也艮為鼻

案鄭乾鑿度注云艮為山山澤通氣其於人體則鼻

也魏志管輅傳輅云

艮為鼻此天中之山注二應在五故噬膚謂貪其祿

位也欲動應五化而失位艮象不見故滅鼻不故化

无咎

太玄闕次五醫骨折齒滿缶測曰醫骨折齒大貪利也義本此漢書董賢傳哀帝册免丁明云

朕惟噬膚之思未忍孟康曰易曰噬膚滅鼻噬食也膚膏也喻爵祿恩澤加之不忍誅也是也顏師古以

孟為非謂自齧其肌膚非是厥宗噬膚往有慶豈亦自齧之謂乎象曰噬膚滅鼻乘

剛也案乘初初至五體屯象初止不行二牽於初亦

不化故得无咎

六三噬腊肉遇毒小吝无咎注馬融曰晞於陽而煬於

火曰腊肉

見釋文

虞翻曰離日煬之為腊坎為毒與上

易位利用獄成豐故无咎也案上來之三遇坎易位

得正故小吝无咎周語曰位高實疾債厚味實腊毒

韓詩外傳云齊崔杼弑莊公荆蒯丙使晉而反其僕曰君之無道也以夫子而死之不亦難乎荆蒯丙曰吾聞之食其食死其事吾既食亂君之食又安得治君而死之遂驅車而入死其事此其噬肉遇毒者與象曰遇毒位不當也案上三俱失位遇非其正故三為上之毒

九四噬乾肺得金矢利艱貞吉注馬融曰有骨謂之肺

見釋文陸績曰離為矢金矢取其剛直也案四噬初也

四應初承五五之正離成乾故得金矢利之正與二互坎故利艱貞吉象曰利艱貞吉未光也案未成既

濟故未光

六五噬乾肉得黃金貞厲无咎注虞翻曰陰稱肉位當

離中日烈故乾肉也乾黃金故得黃金貞正厲危也

變而得正故无咎案噬二也五應在二自動之正成

乾故噬乾肉得黃金象曰貞厲无咎得當也案化之

正成乾故得當

上九何校滅耳凶注鄭成康曰坎爲耳王肅曰何擔也

見釋文案謂三三在坎故何校三失位不化之正則上

之三以正之上之三滅坎耳故何校滅耳始何於校

終於滅耳故凶

初二本得位化乃有滅趾滅鼻之象故能誠而不化俱得无咎三上失位

勢在必化故一則遇毒一則滅耳與初二殊也大畜

何天之衢鄭云艮為手手上肩也此何校亦取象艮

何象曰何校滅耳聰不明也案坎為聰離為明坎與

離連體故聰明上之三滅坎耳離象在下坎聰不見

故聰不明



離下
艮上

賁亨小利有攸往案鄭康成曰賁文飾也離為日天文

也艮為石地文也天文在下地文在上天地二文相

飾成賁者也猶人君以剛柔仁義之道飾成其德也

剛柔雜仁義合然後嘉會禮通虞翻曰泰上之乾二
乾二之坤上柔來文剛陰陽交故亨也小謂五五失
正動得位體離以剛文柔故小利有攸往

彖曰賁亨柔來而文剛故亨分剛上而文柔故小利有
攸往案純陰純陽无文可見物相雜則文著來謂息
內泰上无陽五伏陽不能發二之上剛上文柔氣以
類感五亦發而之正故曰分剛上而文柔故小利有

攸往

物得氣而生外必有以養之而生乃
遂此五之所以必剛上文柔而始發

天文也

注

虞翻曰艮爲星離日坎月

案艮少陽故爲星春秋說
題辭陽精爲日日分爲星

〔案〕天道陰陽地道柔剛以剛柔言地文也以陰陽言則天文也分陰分陽迭用柔剛故易六位而成章文明以止人文也〔注〕虞翻曰文明離止艮也〔案〕人道仁義自初至上尊卑各異各有其文也君子思不出其位爲人君止於仁爲人臣止於敬爲人子止於孝爲人父止於慈與國人交止於信觀乎天文以察時變

〔注〕虞翻曰日月星辰爲天文也〔案〕六爻相雜唯其時

物六晝時也六爻時之變也物相雜故曰文文不當而吉凶生焉故觀天文以察時變觀乎人文以化成

天下注虞翻曰五上動成既濟

案文有不當則化而財之使成既濟故化

成天

下也

象曰山下有火賁君子以明庶政无敢折獄注虞翻曰

離為明坤為庶政故明庶政坎為獄三在獄得正故

无敢折獄噬嗑四不正故利用獄鄭康成曰折斷也

見釋文案康誥曰克明德慎罰曾子曰如得其情則哀矜而勿喜所謂无敢折獄也

初九賁其趾舍車而徒注虞翻曰應在震震為足坎為

車徒步行也位在下故舍車而徒案初欲進之四故

賁其趾賁趾者足容在下之禮也初之四乘坎車則

失位故舍車而徒謂不之四火動而上故始欲之四

象曰舍車而徒義弗乘也案坎車非初所宜乘惠氏棟云

禮唯大夫不徒行初為士尚書大傳曰古之命民能

敬長憐孤取舍好讓舉事力者命於其君得命然後

得乘飾車駢馬未有命者不得乘乘者有罰

六二賁其須案須須五五正乃應故象曰與上興春秋

傳曰寡君須矣張氏惠言云須待也五待之正姚氏

禮曰揖私朝輝如也登車則有光矣此人臣之賁其

須至於賓容會盟祭祀皆豫飭而須焉案禮先戒宿

即所謂須二欲應五五未正位坎險在前故須象曰

賁其須與上興也案上謂五興起也五之正二乃應

之故與上興應稱與也

九三賁如濡如永貞吉案三自賁也在坎中故濡如濡

如賁貌三得位德潤身也化則失位上來陵之故永

貞吉不可化也

惠氏棟云坎水自潤故濡如案詩六
善如濡箋云如濡言鮮澤也三得位

故濡如

象曰永貞之吉終莫之陵也案上失位艮為陵

上陵下也三得位下始不得陵三終不化上終莫之

陵進禮退禮誰得而陵之

六四賁如皤如白馬翰如匪寇婚媾案四自賁也皤如

賁貌

李鼎祚云皤亦白素之貌

謂自飾以應初也震為馬五動成

巽為白故白馬翰如白貌

檀弓般人尙白戎事乘翰鄭彼注云翰白色馬也引

此以證蓋禮家說也其注易訓翰為駮者用易家說也

坎為寇初疑四也四得

位初疑為寇故舍車而徒不應四陰陽德正終相應

故匪寇婚媾象曰六四當位疑也匪寇婚媾終无尤

也案六四雖當位而體坎勢在可疑故當位疑婚媾如

飾外所以動初之疑也

太玄視次六素車翠蓋維視之害測曰素車翠蓋徒好外

也案維視之害亦謂視之可疑太玄準賁以疑即此意

初四終相應故終无尤

六五賁于丘園束帛戔戔吝終吉注虞翻曰艮為山五

半山故稱丘木果曰園

案山下有火賁于丘園之象

子夏傳曰五

匹為束三立二纁象陰陽

見釋文案五匹十端周禮謂之五兩素天立地黃二

之上上之二成賁故賁

于丘園束帛斐斐也

馬融曰斐斐委積貌

見釋文案失位

故吝化之正故終吉

象曰六五之吉有喜也注虞翻曰五變之

陽故有喜

案觀乎人文以化成天下賢人者國之文化之本也

上九白賁无咎注虞翻曰五動成巽在巽上故曰白賁

變而得位故无咎矣案白素也在賁之終故曰白賁


論語曰禮後乎

鄭攷工注云素白采也後布之為其易汚也惠氏棟云上者賁之成攷工

記曰畫繪之事後素功論語曰繪事後素

象曰白賁无咎上得志也注虞

翻曰上之正得位體既濟故曰得志



坤下
艮上

剝不利有攸往注虞翻曰陰消乾也案不利有攸往謂
上上失位而動則陰從而之成坤

彖曰剝剝也柔變剛也不利有攸往小人長也案陽道

不絕故陰消陽每一爻皆有剝義剝落於此復生於

彼也柔變剛謂陰長消陽陽極於上此乾陽之九也

上剝盡為坤是為化七日來復復生於下是曰化生

剝上者乾上之極變之終也故特曰柔變剛柔來則

使剛變則化上剝成坤藏養坤中七日來復是為

化生故終盡謂之

化始息謂之化

順而止之觀象也君子尚消息盈

虛天行也注虞翻曰坤順艮止謂五消觀成剝故觀

象也案五止之不使消則猶是觀乾息為盈坤消為虛故君子尚

消息盈虛天行也案一消一息十二卦而周一歲故天行則出入无疾

反復其道易虧巽消艮出震息兌盈乾虛坤案此參同契納

甲之義張氏惠言云易謂乾元

象曰山附於地剝注陸績曰艮為山坤為地案附說文

曰附婁小山也陰長剝陽上餘碩果一陽僅存坤地

至五艮不足稱山也故附於地剝使之然六十四卦唯此稱附

山不成山所謂剝爛也消息之義卦難悉知經傳明文可言其畧消息出入合而論之消而未盡謂之附

此是也消盡從上反下謂之入明入地中是也明夷
上六云初登于天後入于地則其入在上下之交所
謂天地際也上體盡入則下體畢升而三在上矣其
實入者伏焉六爻實卽三爻也入而未散謂之有尙
有也地中有山澤中有雷澤中有火是也散則謂之
滅謂之无澤滅木澤无水是散也而復聚謂之在雷
在地中天在山中是也此皆據其氣之聚者而言非
已成體故曰在中下卦者上卦之中初又其中最中者
也故全卦之氣聚於一爻氣聚而復息謂之生地中
生木是也生而成體謂之有有於中也地中有水是
也此有中於則彼有於外澤上有地是也有於中而
達諸外謂之出明出地上雷出地奮是也而其義之
最顯著者莫如家人家人風自火出則當其未出伏
於下卦之下可知其出必由下卦亦可知矣出者對
入之稱非一出而卽全卦俱出者也其出有漸以次
而升澤上於地澤上於天雷上於天是也上於者方
上之稱非驟上之謂故需四曰需于血出自穴方出
也上曰入于穴則極而反矣上於者對入于之稱也

既升而上則亦曰在火在天上雷在天上是也在上者對在中之稱也在上則氣動者行風行天上風行地上風行水上是也天下雷行則行而下者也氣靜者亦謂之有山上有木是也動者動而靜亦曰有澤上有雷澤上有風此既動而息將退而未入之氣也是故陰陽消息一出入天地交則泰不交則否三四者天地之際出入所由也至若雲雷屯雷電噬嗑雷風恆風雷益雷雨作解雷電皆至豐則舉兼並之氣而言天與水違行訟天與火同人上火下澤睽則以其氣之同異言上天下澤履則以其分之尊卑言不以中外異不以上下殊也若山下出泉則下卦乃由上卦而出下卦成象而上卦升坎水就下也水流出則似上爲中而下爲外矣要知山下出泉山之體非在泉上泉之出實由山中則仍下爲中也若八卦則自取其本義不以消息言其餘稱在上者二上有者九下有者四其義不出此數端數有始壯究卦有出入上下始中終或本或末或偏或全據辭明義大畧可知爲消爲息未能細爲區別也天下有山天下

有風皆消卦不言中言下有者在天中者例不言中以地中乃天之極中也且天下无非天中言下以見天氣之上以厚下安宅案陽極於上故特言上六十

四卦唯此耳坤為厚為安艮為宅坤體在下故厚下上九剝廬其宅不安窮上反下艮宅居坤位故安宅

魏文侯曰下不安者上不可居也新序雜事篇文呂覽務大云細之安

必待大大之安必待小細大貴賤交相為贊然後皆得其所樂惠氏棟云君子德輿民所載也民安則君安

初六剝牀以足蔑貞凶注虞翻曰此卦坤變乾也動初

成巽巽木為牀復震在下為足案故剝牀以足蔑復通

无貞正也失位无應故蔑貞凶震在陰下象曰以滅

下也

案陰消之卦不得之正故无貞凶所謂履霜堅冰至也陰消陽陽上窮於剝乃反復生於下

象曰剝牀以足以滅下也案滅初陽故以滅下

六二牀剝以辨蔑貞凶注鄭康成曰足上稱辨謂近膝

之下屈則相近申則相遠故謂之辨辨分也

案說文采辨別

也象獸指爪分別也辨疑采之假借

案陰在二得正陰消之卦陰上長

消陽不正居二故无貞凶

剝牀謂始消未成剝時剝其當爻之陽耳以足以辨

以膚則當爻之陽既剝陰變成爻氣上消不已矣凡言剝牀皆无德不能厚下者也下不安則上危故以

足以辨以膚終至剝

象曰剝牀以辨未有與也案應

厚下安宅

稱與陰消五五陽未得之正故未有與

艮傳云上下敵應不相與

也則相應為與矣恆傳云雷風相與謂陰陽應也

六三剝之无咎案三應上剝上也上剝反三得位由三

之初息而成復故无咎象曰剝之无咎失上下也案

剝上反三故失上下也

張氏惠言云剝窮於上乾魂先反三失之於上即反於下

六四剝牀以膚凶注虞翻曰辨上稱膚以陰變陽至四

乾毀故剝牀以膚案三四交際之間四由內達外終

必至上故凶傳曰剝爛也潰爛者自內達外象曰剝

牀以膚切近災也注鄭康成曰切近切急也

見釋文案上反

三坎
為災

六四貫魚以宮人寵无不利案魚陰類貫魚象陰之以

次升也淮南子曰天之且風也草木動未而鳥已翔

矣其且雨也陰曠未集而魚已噦矣以陰陽之氣相

動也文 泰族剝陽剝而下陰進而上象魚感雨澤之氣

而升也以者法貫魚之象以為宮人承事君子之道

則寵无不利也鄭乾鑿度注云陽衰之時若能執柔順以奉承君子若魚之序然後能寵

无不利也象曰以宮人寵終无尤也案陰陽之道亦男女

戰乾出震故无尤消息之道然也

上九碩果不食君子得與小人剝廬案碩大也艮為果

乾陽聚於上故碩果食讀為日有食之之食陰食陽

也艮以之止故不食下五陽為陰所消唯上碩果君

子謂陽得當作德釋文云京董作德案虞坤為輿上

以厚下安宅故德輿謂反之三坤民載之也上之三

則上體純陰艮宅不見故小人剝廬太玄夷次六夷

測曰夷于廬厥德亡也象曰君子得與民所載也小

人剝廬終不可用也案坤為民厚載物故民所載謂

上之三坤載之也上降則陰長而終陽剝而伏故終

不可用此乾上之所以不可動也



震下
坤上

復亨注鄭康成曰復反也還也陰氣侵陽陽失其位至

此始還反起於初故謂之復見左傳疏虞翻曰剛反交初

故亨出入无疾朋來无咎注虞翻曰謂出震成乾案復

震入巽成坤案姤坎為疾十二消息不見坎象故出

入无疾案十二消息无坎離坎離者乾坤之中氣伏藏於中者也案朋謂陽陽息

故朋來无咎息為來也反復其道七日來復注康成

成曰建戌之月以陽氣既盡建亥之月純陰用事至

建子之月陽氣始生隔此純陰一卦卦主六日七分

舉其成數言之而云七日來復

見正義序案孔疏云易緯稽覽圖云卦氣

起中孚故坎離震兌各主其一方其餘六十卦卦有六爻爻別主一日凡主三百六十日餘有五日四分日之一者每日分爲八十分六十卦卦別各得七分是每卦得六日七分也蘇蓋用鄭義易通以一爻當一日皆舉成數言也陽自剝反復起於初其道謂陽道所謂德之本也卦氣之說詳於唐志一行議然於卦爻配合究屬難明

乾小人道消君子道長故利有攸往矣

象曰復亨剛反動而以順行是以出入无疾朋來无咎

反復其道七日來復天行也利有攸往剛長也案陽

反於初故剛反所謂反復其道也動震順坤陽息推
陰而上故動而以順行一消一息天道周陽復息初
故天行也陽息成乾初動之九故剛長復其見天地
之心乎注荀爽曰復者冬至之卦陽起初九為天地
心萬物所始吉凶之先故曰見天地之心矣
地之極中也故見天地之心陽
始起未成爻畫者也解在贊元

案元伏
初下天

象曰雷在地中復先王以至日閉關商旅不行后不省
方注宋衷曰自天子至公侯不省四方之事將以輔
遂陽體成致君道也制之者王者之事奉之者為君

之業也故上言先王而下言后

案先王以者法此為制后不省方所制典

禮也鄭康成曰資貨而行曰商旅客也

見釋文

虞翻曰至

日冬至之日坤闔戶為閉關巽為商旅為近利市三

倍姤巽伏初故商旅不行姤象曰后以施命誥四方

今隱復下故后不省方

案白虎通誅伐云冬至所以休兵不舉事閉關商旅不行

何此日陽氣微弱王者承天理物故率

天下靜不復行役扶助微氣成萬物也

九初不遠復无祇悔元吉注鄭成康曰祇病也

見釋文案鄭蓋

以祇為疾之假借

案元已伏初故不遠復出入无疾故无病

悔乾元伏初發而成乾故元吉

太玄周次三出我入我吉凶之魁測日出

我入我不可不懼也義本象曰不遠之復以修身也此所謂復小而辯於物

〔案〕欲修其身者先正其心伏陽發故修身孟子曰所以考其善不善者豈有他哉於已取之而已矣

六二休復吉〔案〕休止也陽發至二則陰伏故休陰休而

陽復故吉二得正伏二本位不消陽象曰休復之吉以下仁也〔案〕

下仁謂初初元伏故曰仁善之長也二陰以初元息乾故休

六三頻復厲无咎〔注〕虞翻曰頻蹙也三失位故頻復厲動而之正故无咎〔案〕頻謂陰三陽位陽復至三陰不

能伏故頻蹙而退體乾三故厲陽至三得正故无咎

復陽之生與乾不同乾則六畫既已成體或言先或

言後所謂息至二息至三者據位言耳所謂陰者虛

位也復則元始伏於初陰氣

尚盛故多兼陰言此其異也象曰頻復之厲義无咎

也案陽至三得位故義无咎

六四中行獨復案中行謂四降二從二而伏

二四陽獨

上升故獨復象曰中行獨復以從道也案從二地道

從地道所以奉天道也

六五敦復无悔案坤厚故敦五坤中故敦復陽息至四

與五接五有伏陽感而遂通得位故无悔象曰敦復

无悔中以自考也案考稽也伏陽在外故中以自考
仁義禮知非由外鍊孔子曰君子之道四丘未能一
焉此聖人之自考也所謂復以自知也

上六迷復凶有災眚注虞翻曰坤冥爲迷鄭康成曰異

自內生日眚自外曰祥害物曰災

見釋文

案元伏於中

陰周其外此坤上凝陽之象也陰迷而陽復則戰矣
故凶龍戰于野其道窮也此亦窮之災也用行師終
有大敗以其國君凶注荀爽曰坤爲衆故用行師謂
上行師而距於初陽息上升必消羣陰故終有大敗

國君謂初也受命復道當從下升今上六行師王誅

必加故以其國君凶

案坤爲國元者國之君也陰當順陽不順陽而欲以其國君是

不用君命者也

君者叛君者也

至于十年不克征注虞翻曰坤爲

十年案陰不能距陽故至于十年不克征十者陰陽

之合也雖陰陽已合陰終不能距陽況在陽息之時

乎象曰迷復之凶反君道也案陽爲君道迷則背君

故凶後順得常何凶之有

周易姚氏學卷第七終